



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joan. Baptistæ Santolii Canonici Regularis Victorini Carmina Selecta

Santeul, Jean de

[S.l.], 1679

Illustrissimo Ecclesiae Principi Petro Du Cambout De Coislin Episcopo
Aurelianensi. J. B. Santolius victorimus.

urn:nbn:de:hbz:466:1-13401



ILLUSTRISSIMO
ECCLESIAE PRINCIPI
PETRO
DU CAMBOUT
DE COISLIN
EPISCOPO AURELIANENSI.

J. B. Santolius victorinus.

PARUM erat mihi, ILLUSTRIS-
SIME ECCLESIAE PRINCEPS,
tuæ apud Aurelianos tam solemnæ Pompæ
adfuisse, te in vestibus sacris omni populo ostensum, &
per mediam Urbem inter clamores & plausus vidisse
incedentem: si Pompam ipsam quam dies una exhibuit,
Spectandam futuris sæculis non repræsentarem. Scio illa
spectacula in omnium ore diu multumque fuisse versa-

D

ta, etiamnum inherere multorum animis, insculpta me-
 talis atque imaginibus expressa. Sed hæc adhuc leviora
 sunt tam insignis Pompæ ornamenta; manebat insuper
 Poëtam non exiguus labor, ut illa imago non inanibus
 tantum colorum efformata pigmentis, sed æternis quo-
 que carminum monumentis celebrata, posteros moneret,
 & in tui admirationem raperet universos. Non possum
 lætitiã meam ibi continere, ILL. PRÆSUL,
 ubi nuper sapientissimus Avus tuus, Galliarum Can-
 cellarius, hæc illa tui Triumphi visa imagine percul-
 sus est, nam in te quasi redivivum totius familiæ an-
 tiquum decus contemplans, sperabat fore ut tantam
 gloriam in rebus sacris administrandis tibi comparares,
 quantam Pater tuus in rebus bellicis, quantam tui Atavi
 infulati omnes in regni Consiliis sibi peperissent. Quam-
 obrem assuesce jam legi & laudari ab omnibus, factus
 per avos tuos laudum non impatiens, agnosce tuos ho-
 nores novæ dignitati non indebitos & eximiæ virtuti
 tuæ maxime convenientes: sis tibi ipsi, quale fuisti nu-
 per omnibus, grande spectaculum. Quod si (ut be-
 ne auguror) modestia tua has laudes non patiat, hæc
 ipsa tibi proponet non esse tuum, sed virtutum omnium
 hunc Triumphum. Cogitabis Episcoporum Aurelianen-
 sium magna nomina: contemplaberis tuorum præclaras

imagines: sed omnes quibus notus es (quibus autem notus non es?) inter tot Heroas te unum intelligent, inter tot Pontifices te unum observabunt.



